



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

IV. An gratia habitualis à charitate disctincta sit.

**urn:nbn:de:hbz:466:1-38954**

non habeat lumen sapientiae, & scientiae infusum, quatenus sibi necessarium est, ut ad finem supernaturalem in omnibus actibus suis dirigatur; immo experientiam satis constat, idiotas & simplices in gratia Dei constitutos, quamvis nullo ingenij acumine, nullam scientiam aut humana sapientiam praediti sint, in iis tamen quae ad salutem spectant, interiori lumine dirigi, quo carent illi, quos sapientes, & prudentes huius saeculi vocat Apostolus, qui in temporalibus negotiis maximè perspicaces, in rebus ad æternam salutem spectantibus cæci sunt, & quasi iudicio ac ratione destituti; unde dixit Apostolus 1. Cor. 1. Videte fratres vocationem vestram, quia non multi sapientes secundum carnem, &c. &c. S. Aug. lib. 8. confess. cap. 8. Surgunt indotti, & celum rapiunt: & nos cum doctrinis nostris sine corde, ecce ubi voluntur in carne & sanguine?

## SECTIO IV.

*An gratia habituali à charitate distingua sit.*

**C**ertum est ex antea dictis, charitatem à gratia habituali sanctificante nunquam esse disiunctam, proindeque illum, qui gratiam habitualē accipit, etiam charitatis habitum sibi infusum recipere: sed controversum est inter Doctores, an gratia, & charitas sint à parte rei quid unum, an vero illarum habitus realiter inter se sint distincti.

Duae sunt autem super hac questione Theologorum sententiae. Alij enim existimant, realiter inter se distinguiri; & gratiam quidem in ipsa anima substantia tanquam in proprio subiecto sedem habere, charitatem vero in voluntate; & per charitatem nos diligere Deum, per gratiam autem nos à Deo diligiri.

Alij vero assertunt, gratia & charitatis unum eundemque esse habitum, nec ab inuicem nisi ratione distinguiri.

Ita

Ita Bellarmin. lib. 1. de grat. & lib. arb. & aliis  
Huius autem secundæ sententia (quam ut probabili-  
orem amplectimur) veritas probatur 1. ex Conc. Trid.  
sess. 6. cap. 7. vb., quamvis super hac questione (cum ad  
fidem minimè pertineat) nihil definire voluerit, satis a-  
perte tamen indicauit, cui sententia magis faueret; post  
quam enim dixit, vnicam formalem causam nostræ iu-  
stificationis esse iustitiam Dei; non quâ ipse iustus est,  
sed quâ nos iustos facit; explicans postea, quenam scilicet  
iustitia, dicit peccatorem iustum fieri, dum passionis  
Christi merito, per Spiritum Sanctum charitas Dei dif-  
funditur in cordibus eorum, qui iustificantur, atque ipsis  
inheret; ubi nullius alterius gratiæ iustificantis præter-  
quam charitatis mentionem facit.

Probatur 2. ex S. Aug. lib. de nat. & grat. c. vlt. ubi sic  
loquitur: *Charitas inchoata, inchoata iustitia est; charitas pro-  
jecta, projecta iustitia est; charitas magna, magna iustitia est;  
charitas perfecta, perfecta iustitia est;* & ex S. Bern. lib. de  
modo bene vivendi c. 4. *Timor sanctus introducit in mem-  
tem hominum perfectam charitatem. Perfecta autem charitas,  
perfecta est sanctitas.*

Quærunt hinc aliqui, an sicut habitualis, sic etiam actu-  
alis charitas formaliter hominem sanctificet: an v. gr. a.  
etius perfectæ contritionis ex vero charitatis motu oculi-  
citus, per se & formaliter hominem iustificet. Resp. in  
primis certum esse, quacunque ratione id fiat, siue for-  
maliter, siue meritorie, siue alio quoque modo, actum  
perfectæ contritionis, seu charitatis peccata delere, ho-  
minemque iustificare; id enim expressè definitum est in  
Conc. Trid. sess. 14. cap. 4. ubi dicit, contingere aliquan-  
do contritionem charitate perfectam esse, hominemque  
Deo reconciliare, priusquam Sacramentum pœnitentiaz  
actu suscipiatur.

Resp. 2. probabilissimum esse etiam formaliter per  
ipsum actum charitatis hominem iustificari, proin-  
deque peccata omnia deleri; cum (vt ait S. Doctor 2. 2.  
q. 27. a. 4. ad 3.) per actum quemlibet perfectæ charita-

tis, auctoritate à Deo formaliter tollatur, & anima immediatè Deo coniungatur vinculo spiritualis unionis; unde dicitur i. S. Ioann. 4. quod, qui manet in charitate, in Deo manet, & Deus in eo: & S. Bernard. serm. 83. in cant. dicit Charitatis actum esse, spirituali coniunctu anima cum Deo non solum contractum, sed etiam amplexum.

## SECTIO V.

*An aliquæ dispositiones ad iustificationem requirantur, & quæ.*

**S**Vpponimus tanquam certum ex fide, solum Deum esse causam principalem efficientem iustificationis; hoc enim constat ex scriptura: Iob. 14. *Quis potest facere mundum de immundo conceptum semine? nonne tu qui solus es?* Is. 43. *Ego sum, ego sum ipse, qui deleo iniquitates tuas;* unde sequitur ex pura & gratuita Dei misericordia pendere iustificationem hominis, illumque proinde non alio modo posse iustificationem consequi, nisi eo, quem ipse Deus illi prescrivit. Hoc presupposito, pro quaestione propositæ resolutione

Dicendum 1. Deum, ut hominem ad ultimum iustificet, alias ab illo dispositiones, seu bonos aliquos motus liberi arbitrij exigere, ad quos tamen illum gratia actualis auxilio excitat, & adiuuat. Ita S. Thom. q. 113. a. 3.

Probatur 1. ex scriptura, quæ innumeris propè in locis hortatur peccatores ad pœnitentiam, ad timorem Dei, & alios similes actus virtutum, ut per illos ad peccatorum remissionem accipiendam se disponant.

Probatur 2. ex Conc. Trid. sess. 6. cap. 6. vbi explicat varios actus virtutum, per quos peccator ad iustificationem disponitur; & can. 9 profert anathema in eum: qui dixerit, nulla ex parte necessitas esse, ut impius ad iustificationis gratiam consequendam voluntatis suæ motu præparetur, ac disponatur.

Probatur 3. ex his S. Aug. verbis ser. 15. c. II. de verbis

T

bib